

隸釋卷第十五

賜豫州刺史馮煥詔



費亭侯曹騰碑陰

廣漢屬國辛通達李仲曾造橋碑


廣漢太守沈子琚縣竹江堰碑

鄭子真舍宅殘碑

金廣延母徐氏紀產碑

都鄉正衛彈碑

舜子卷義井碑



賜豫州刺史馮煥詔

告豫州刺史馮煥今下常為效用邊將統御下內以

威恩撫喻杜下去丰鮮卑連犯鄆塞下過掩卒搗毆

無距捍下率攝太守以下進退下曾不表罪誅多攤

下麗王宮儁輕狡獪下纖下絕宮不自效下化頃

屬樂浪久矣下當所謂設訖不定決下月左右欲來

犯法下北顧傷心下煥有下異煥能竭心盡慮有下

上如不從化替錄部下惟前後詔書以前人下侍御

史便宜數上下

元初六年十二月

右賜豫州刺史馮煥詔安帝元初六年也首云告

豫州刺史馮煥者漢詔之式如此帝紀注云漢制

帝之下書有四一曰策書編簡也其制長二尺短

者半之篆書起年月日稱皇帝以命諸侯王三公

以罪免亦賜策而以隸書用尺一木兩行書之二

曰制書其文曰制詔三公皆璽封尚書令印重封

露布州郡三曰詔書其文曰告某官云如故事四

曰誡敕其文曰有詔敕某官此詔云去年鮮卑連

犯郭塞列傳云元初五年秋代郡鮮卑穿塞入寇  
 攻城邑燒官寺殺長吏發緣邊甲卒黎陽營兵備  
 之其冬又入上谷六年秋入馬城度遼將軍鄧遵  
 率南單于擊破之按馮君乃車騎將軍緄之父緄  
 傳云煥為幽州刺史又煥有墓闕題云豫州幽州  
 刺史馮使君神道元初季年豫州境內無盜賊事  
 上谷代郡皆幽州所部詔有北顧傷心及頃屬樂  
 浪之文亦幽州語也詔中諭其竭心盡慮而使之  
 便宜數上必是自豫徙幽而賜此詔其石下斷惟

存上八字文意不能詳考煥猶在豫故其前尚稱

故官也犯即犯字過即過字搗輒即搗擊字僞即慄字獨即獨字織即織字屬即屬字

費亭侯曹騰碑陰

惟建和元年七月廿二日己巳

皇太后曰其遣費亭侯之國為漢藩輔臨君境內毋

有出缺六變卒缺七百姓不可不愛不愛則不附大

臣不親百姓不附可不慎下缺

制曰缺中常侍費亭侯曹騰騰見克

先帝能自奮拔於險阻之中不陷乎羣小害已之譖

遂亦

字缺五

前後英謀

缺二

進賢納

缺

踐胎之初受爵

丐東土厥功章然騰守足退居約身自持遭離母憂

孝行純薦

缺

慎禮紀喪能過哀服祥有不忍遠離之

恩情

缺

感病毀性早薨朕甚閔焉詩曰靡不有初鮮

克有終騰能終之春秋之義旌

缺

采介呂勸為善及

其在殯使兼諫議大

字缺六

特進贈費亭侯印綬魂而

有靈嘉其寵榮嗚呼哀哉

右費亭侯曹騰碑陰水經云譙縣有曹騰碑題云

漢故中常侍長樂太僕特進費亭侯曹君之碑延

熹三年立碑陰又刊詔策二歐趙不指此為曹騰

碑陰失稽考也本傳云騰自安帝時為黃門從官

後以定策立威宗與州輔等七人皆封侯至大長

秋此碑前一篇建和元年七月己巳就國策書乃

梁太后臨朝時也後一篇乃褒贈制書傳云奉事

四帝而水經有據則其亡在威宗時嗚呼東漢之

亡也以閹官雖小人道長作福作威履霜堅冰勢

之必然者蓋上失其道爾高帝約非有功不侯自

和帝封鄭眾而苴茅裂土者相踵至有同日十九

侯者順帝又聽其養子襲爵騰用事省闈三十餘年其養子嵩至於竊位台輔至孫操遂問鼎矣與昨

昨同篆額今獨存云中常侍長樂大僕特進費亭曹侯碑水經誤多四字

蜀郡屬國辛通達李仲曾造橋碑

惟延熹龍在甲辰三月甲子傷民彙集滑月扶攜五缺

字憂造此忙槁缺之基改奢就儉莫不安之以五

月甲午竟領道揚缺荷杜仁領道揚瑗缺二叙惠勒

石文不能嘆一以哀賢君其辭曰帝初造黃門宮

字缺二我邦乾川垂極字缺二土執缺汜反側位在角精

崖崖山巒水缺汶江漂缺湍濁道缺丘阜棧格陵陵

地則居缺新缺二栢竟缺官缺夷羌虜賊頃丰畔厲

有道則服有字缺二隘吏民缺栗赫赫

皇辟矜哀下民命彼喉舌拜我

明君惟君至真應甫及申缺恩襄貧其知如缺漢三缺

字謀謨若神小閤

明府協同斷金西征鄙國撫育犁元除煩省苛公劉

之仁單甫牧英不忍戰民恤彼字缺二戲險登陵槁壞

求正歲歲字缺二津缺滿首字缺七呵逆汜沈深往往覆

沒傷害行人四縣衝衝老弱所湛耿耿寔勞字缺二慤

慤字缺二日稷閔比之艱記吉領道杜沂楊瑗佗范槁

梁帥爾徒毛待事楊字缺三守古荷賊曹掾杜仁至孝

段懃雖不字缺四出神祇祐助槁遂考缺萌地賴祉子

子孫孫百穀豐穰內外靖安必字缺三我

君高遷取公缺侯福沂後昆萬壽无疆干祿億丰

亂曰字缺二我君明且缺兮徠儀于國字缺三兮吏民河

潤受靈福兮莫不慕化心如結兮字缺十鼎足期不逝

兮字缺八漢嘉楊瑗字字缺二領南部道槁掾軍功卒

史漢嘉杜沂字祖長漢嘉盟掾字缺二荷吏代誦從吏

杜閏荷吏缺省義工王文宰義工字缺二高義工王漢

期義工字缺三義徒漢嘉缺杜缺

時下缺

右蜀都屬國辛李二君造橋碑今在雅州碑首刻

二人冠帶相向而坐一器居中如豆登之狀後有

二人折腰低首雙垂其袖若胡舞者其上橫行有

數字惟府卿明府四字不毀二人之下又橫刻二

數字

十有六字兼篆隸之體曰蜀郡屬國明府潁川陽  
 翟辛君字通遼卿捷為李君字仲魯其下三字不  
 可曉漢碑無如是模式者首行云惟延熹龍在甲  
 辰蓋咸宗延熹七年也石損字拙頗難想象其辭  
 初云造此橋末云橋遂考又云橋壞求正又云帥  
 徒屯作橋梁而官屬有領南部道橋掾則知此為  
 造橋碑也其辭云扶携濟舟又云逆流沈深往往  
 覆沒又云四縣衝衝老弱所湛則知此橋跨據川  
 險也其云赫赫皇辟矜哀下民命彼喉舌拜我明

君惟君至德應甫及申者頌辛君也其云西征鄙  
 國撫育犁元除煩省苛公劉之仁者頌李君也中  
 有協同斷金之句則知李為辛之佐也二君遣杜  
 沂楊瑗三四輩董此役起三月甲子以五月甲午  
 竟改奢就儉萌兆賴祉故勒石褒嘆而掾史及義  
 工義徒數人皆顯其名于後惟二人稱荷吏而杜  
 仁稱荷賊曹掾所不可解鄰邑雖有荷節或是遣  
 吏助之又不應獨用一字也漢志屬國置都尉一  
 人丞一人又注引應劭云大縣有丞左右尉所謂

命卿三人小縣一丞一尉者命卿二人隸刻有武  
 開明碑終於吳郡府丞其子榮碑中書為吳郡府  
 卿沈子琚碑有云縣丞捷為王卿諱某字季河据  
 史及碑則漢人盖有稱其丞為卿者此碑不顯題  
 辛君為都尉而謂之明府則李君稱卿盖是屬國  
 丞也蜀人謂此為神水閣碑考其文則謀謨若神  
 是絕句下文二字其水似小其閣似閤特未能判  
 今摘三語而强名之非也逵即達字舟即舟字  
 衰即褒字犁即黎字  
 廣漢太守沈子琚縣竹江堰碑

熹平五年五月辛酉朔一日辛酉縣十縣南缺川缺

字宮缺黃缺化出家錢建缺漢世誠明廣被四表南

域墅居蠻夷缺五缺牋賊缺連缺百姓被缺三丰十月

廣漢太守穎川長墅縣沈君諱缺字子琚縣十令安

定樊君諱缺以四丰三月到官視事到官之初移風

字缺三占世土百姓吏民皆有缺二之缺五弱不安躬

耕者少溉田企流諸縣滿灘缺以陂田缺下誠道缺五

施以周邵之化疾犯王憲缺意吏民缺四君遣缺下悉

其本息繕作滿灘化開渠口成而山足缺崔缺下

君遣掾下缺字缺三鄭施都求掾儀尹便且缺水曹掾王

史下缺刑世章樂功又破截崖足開缺本字缺二民五缺

池字缺四甫田千下缺雞龍易水由池中通利便好水

未缺田即到下缺縣十缺足字缺四消散五稼豐茂缺

民歸附亦字缺三辭曰聖帝明明缺蘭缺郡字缺二望下缺

川字缺五欲行之兮字缺四以威德兮輔字缺三夏字缺二後

兮下缺時成缺兮缺甚下缺

縣丞捷為屬國王卿諱缺字季河宣陽字缺五水曹史

杜慈字子仁共章字缺三

右廣漢太守沈子琚縣竹江堰碑今在漢州靈帝

熹平五年立沈君字子琚其名不可辨碑載沈君

以熹平三年十月到郡縣竹令樊君以次年三月

到縣雖石多剥缺文句斷續其間指意猶可推尋

盖二人相繼到官俱以移風惠民為意碑稱其視

事之初百姓躬耕者少溉田邱荒有遣都水掾水

曹史等姓名有繕作滿灘之句又有陂田及渠口

之字末云水由池中通利便好五稼豐茂人民歸

附所紀盖水利之事也蜀人謂之縣竹江堰碑姑

因其名云 碑以長墅為長社

鄭子真宅舍殘碑

上字缺 所居宅舍一區直百萬 故鄭子真地中起舍

一區作錢 下缺 故鄭子真舍中起舍一區七萬

故潘盖櫻舍并二區十一 下缺 故呂子近櫻一區

五萬 故像櫻舍一區二萬五千 缺 扶母舍一區

萬二千 字缺二 鳳櫻一區三萬 字缺二 車舍一區萬

字缺二 奉櫻一區二萬 字缺二 子信舍一區萬

熹平四年 缺 月丁酉朔 下缺 桃為後 缺 弟 缺 郎中 下缺 賊

曹 下缺 左都字彦和兼掾史 下缺 胡恩真道史胡陽 缺 文

下缺 文 缺 陳景玄雄等實 下缺 千九百八十其二百 下缺 舍

宅奴婢財物及臺為 下缺 妻無適嗣祖傅婢 缺 宜 下缺 分

臺祖餘財物所得 下缺 未知財事 缺 舉 缺 為領 下缺 姊 缺

精魂未滅而有怨 下缺 春秋之義五讓為首 下缺 兼

右鄭子真宅舍殘碑所存其上十數字餘石碎矣

首云所居宅舍一區直百萬繼云故鄭子真地中

起舍一區七萬凡宅舍十有二區其次有辭語有

歲月云平四年上存四點必熹平也官吏有郎中

及賊曹與掾史又有左都字彦和及胡恩胡陽陳  
 景等姓名似是官為檢校之文其中有宅舍奴婢  
 財物之句其云妻無適嗣又云未知財事其前有  
 為後二字則知旋立嬰孺為嗣也其云精魂未滅  
 而有怨上有一字從女當是其母則知其親物故  
 未久也未云春秋之義五遜為首所以戒其宗姓  
 或女兄弟之類息爭窒訟也碑今在蜀中

櫻即樓字

金廣延母徐氏紀產碑

光和元年五月中回金廣延母自傷紀考純徐氏元

初產亦壽元年出門託軀金掾季本供

下缺

不並立

朝為縣端首子男恭

缺

字子肅年十八

下缺

收從孫

即廣延立以為後年十八娶婦徐氏弱冠仕

下缺

終

歿五內催碎又少入金氏門承清滄之後訾業

缺四字

步也一下缺地耕殖陝少

缺

脩產業夫婦勤苦積入

成家疆

缺三字

止足不

下缺

萬季本平生素以奴婢田

地分與季子雖直各有立域

缺二字

三下缺

蓄積消滅

責負衰亡

缺三字

立依附宗家得以蘓

下缺

及歸故主

三分屋一才得廿一萬六百供竟

下缺

故文進升地

一町直五萬五千家乃墮收責地下缺雖直徑管尉

駿勞來以缺國故缺子耐地一町直下缺令能肯不

字缺二又所將缺及所缺如後可服事勤下缺子孫以

其不祭祀習之不缺拘持入門勤苦五十下缺二萬

四千其婦共衣食去苗之後悉以歸雖直大婦下缺

卅八萬小婦慈仁供養周厚奉順缺媛不離左右自

下缺曰缺戀衛夫人之去婦之字缺二孤無所歸輒為姪

下缺之切下缺不下缺

右金廣延母徐氏紀產碑今在雲安其辭云先和

元年五月中旬金廣延母自傷紀考妣徐氏元初

產求壽元年出門託軀金掾季本自此之後其石

半滅所存者其下段爾徐氏歸于季本有男曰恭

字子肅早終故立從孫廣延為後廣延弱冠而仕

又復不祿碑云廣延年十八娶婦徐氏子肅亦有

年十八字而闕其下文當亦是載其昏聘子肅殘

碑亦有妻字可證徐氏自言少入金氏門夫婦勤

苦積入成家又云季本平生以奴婢田地分與季

子雍直各有企域繼云蓄積消滅債負奔亡依附

宗家得以蘇則雍直似是季本庶孽不肖子分以  
 訾產居之于外者徐氏老而廣延死故又析其財  
 有雍直徑管及悉以歸雍直之文慮雍直為嫂姪  
 之害也故刻刻此石其云大婦小婦則子肅廣延  
 之妻也碑稱小婦慈仁供養奉順不離左右則廣  
 延夫婦俱孝其云五內摧碎則可見子孝而母慈  
 也廣延雖非嫡長而事親久即世新故徐氏舍子  
 肅而稱廣延母也此碑字子肅之上有兩字不甚  
 明上一字髣髴是恭其下頗類成字但漢人無二

名而金恭有墓闕及殘碑皆云恭字子肅可以證

季本之子字子肅者即金恭也但恭之下多一字

所不可曉碑以考純為考妣弱冠為弱冠清淪為清儉催碎為摧碎陝少為狹少彘即奔

字明即

都鄉正衛彈碑

缺四國字缺六公缺伯子缺呂缺二十其缺十國缺勞

用民字缺九於字缺十相扶助卒缺曰缺三十不彊迄

于中平二年正月缺令缺國寧陵缺君諱脩字缺十

中缺以府丞董察字缺二撫昆陽承缺亂之餘缺稱聖

烈缺有林官凡處缺循缺六軫既到庶缺丐缺二愍

夫繇役之不缺乃缺惟缺三聖之缺二丐有缺呂二缺

字忠於是丐輕賦缺斂調缺二富結單言府斑董科

例收其缺四之目臨時慕顏不煩居民時太守東郡

丕瓌丞濟陰華林優郵民隱欽若是由缺五郡校劉

缺為民約缺三丐無窮自是之後黎民用監吏無荷

擾之煩墅無愁痛之缺二曰民所利斯所謂惠康之

榮缺景均之缺三也政之缺二吟是丐成役之艱苦

吟是缺二頌曰缺三命猗歟我君敦詩說禮寧德

丐民底缺輕賦帥約孔均繇役呂缺二士不缺六我

好爵聿懷多缺明德惟馨民呂卒缺二耕千耦梵梵

乘稷丐肯缺二求缺不缺五中明慧通缺若五大夫

服厲缺四為缺掌領缺書缺二單錢復不缺吏缺五

若其缺勸導有功

時缺二范秩字元睢尉曹掾都缺字漢賓史張芑字

子才有秩定陵杜則字孝缺七守字國寶陳缺四

右韻繩正衛彈碑隸額文十一行頌四行張芑杜

則數人題名二行靈帝中平二年立在汝州昆陽

城中水經魯陽縣有南陽都鄉正衛為碑平氏縣  
 有南陽都鄉正衛彈勸碑此則其一也趙氏誤認  
 衛為街遂云莫曉其為何碑予初得已翦貼本續  
 後始獲全碑考其文則縣令寧陵君承昆陽喪亂  
 之餘愍繇役之害結單言府班董科例收其舊直  
 臨時募顧不煩居民太守東郡王瓌丞濟陰華林  
 優卹民隱為之立約自是之後吏無苛擾之煩野  
 無愁痛之聲其大略如此又云因民所利斯所謂  
 惠康之策又有輕賦歛及役艱苦之語頌則美其

輕賦均約蓋是紀述守令繇役條教也前書食貨  
 志月為更卒已復為正注云更卒謂給郡縣一月  
 而更者正卒謂給中都官者衛宏漢官舊儀民年  
 二十三為正一歲為衛士一歲為材官習射御騎  
 馳戰陣又云民給正衛材官年五十六老衰乃得  
 免為民酸棗令劉熊碑云愍念烝民勞苦不均為  
 作正彈造設門更此云都鄉正衛彈者與劉君碑

碑以黎為黎荷  
 為苛梵梵為芘

芘顧即顧字瓌即  
 瓌字野字

舜子巷義井碑

縣邑字缺二宮前以宛缺記衣缺二去古下缺踰疆

者字缺二弱者下缺訾下缺鄉下缺任然下缺丁吉二缺

字守府下缺如縣記利廣興缺中下缺記下缺百下缺

光和三丰缺月下缺縣下缺發下缺州下缺計市馬

下缺四萬下缺亂常下缺大缺木字缺三會字缺三百萬

分下缺升下缺

右舜子巷義井碑凡二十三行行三十七字石理  
皴剥僅有五十餘字依約可辨其間有光和三

字却為漢碑也其始有縣邑二字蓋是叙述其事

末有四萬及百萬等字則是紀其所費也中有疆

者弱者之文當是疆者捐其財弱者輸其力也据

水經云義井出隨城東南常湧溢而津注冬夏不

異下流與澁水合又南注于瀕則此非穿鑿之井

故工役之費至五十餘萬碑在隨之舜子巷元祐

丁卯年郡守許覺之始徙于後圃識其陰云五大

夫秦爵也秦距今千數百年漢東故物獨此尚存

又刻詩一篇於碑之額云一千二百餘年外萬事

銷磨不可尋舜子井泉誰記古隨人間巷祇知今  
 隸書字雜科蟲體民爵名存樂石陰登覽時來醒  
 醉目猶勝他物在園林子謂秦人刻石皆用篆許  
 君不能詳視碑中光和紀年遂指此為秦碑非也

義井碑陰

五大夫王缺本二萬五大夫段缺本二萬五大夫段

通本二萬五大夫段缺本二萬五大夫魏忠本二萬

五大夫蔡缺本二萬五大夫魏加本二萬五大夫呂

石本二萬五大夫黃海本二萬五大夫段宮本二萬

五大夫缺任本二萬五大夫段缺本二萬五大夫段

方本二萬五大夫段錫本二萬五大夫缺萬本二萬

五大夫陳缺本二萬五大夫缺本二萬五大夫缺

禮本二萬五大夫缺本二萬五大夫耿缺本二萬

五大缺本二萬五大缺本二萬五大缺本萬

五大缺本萬五大缺本萬五大缺萬五大缺

字萬五大缺千五大缺千五大缺千缺一五

下缺分子缺萬分子下分子下分子下分

子下分子下梁下分子下分子下分子下分子下分

本萬分子潘缺本萬分子缺安本萬分子缺二本萬

字缺二周閑本萬分子缺二本三千分子缺二本三千

分子字缺四千分子字缺四千分子字缺三千三千分子缺容

本三千分子缺林本三千分子缺南本三千分子缺

將本三千缺子季宜本三千分子字缺二本三千分子

樂缺本三千人缺二分子黃國本三千分子孫景本三

千分子竇詡本三千分子廉祥本三千分子賈方本

三千分子黃遷本三千分子王潤本三千分子缺與

本三千分子字缺二本三千分子蘇尚本三千分子張

栗本三千分子張缺本三千分子字缺三本三千分子

周謂本三千分子周季本三千分子缺能本三千分

子張宣本三千分子缺海本三千缺二人分子張景

本三千分子張芳本三千分子龔儀本三千分子楊

徹本三千分子唐豪本三千分子孟戍本三千分子

馬相本三千分子唐缺本三千分子許臺本三千分

子蔡泯本三千分子王豐本三千分子黃持本三千

分子張雙本三千分子郭昌本三千分子字缺二本三

千分子張濟本三千分子謝林本三千分子字缺二本

三千

字缺四

本三千

缺一人

本三千

本三千

本三千

本三千

上缺

羽

下缺

馬及

下缺

息勿

下缺

功

下缺

門

下缺

諸

下缺

平馬

下缺

萬五千

下缺

本

下缺

本

下缺

本

下缺

本

右義井碑陰稱五大夫者三十一人稱分子者六十人摩滅者數人題名之下又有數十字蓋是紀事之辭殘缺無成文者漢承秦制爵二十級其九爵曰五大夫帝紀安帝永初三年三公以國用不足奏令吏人入錢穀得為關內侯虎賁羽林郎五大夫緹騎營士又靈帝光和元年初開西邸賣官自關內侯虎賁羽林入錢各有差則知漢末以貨受爵比屋皆然此碑五大夫所以若是之衆也惟分子未詳穀梁曰燕周之分子也注云燕召康公之後分子謂周之別子孫也景北海碑鵠不鳴分子還養蓋用家富子壯則出分之語謂惡逆之鳥鉗喙無聲外爨之息歸奉三牲也耿勳碑脩治狹道分子効力謂正丁已供差徭分子亦來助役此碑分子似指土豪出分子子三碑皆與穀梁合

自

下缺

本

下缺

本

下缺

本

下缺

事之辭殘缺無成文者漢承秦制爵二十級其九爵曰五大夫帝紀安帝永初三年三公以國用不足奏令吏人入錢穀得為關內侯虎賁羽林郎五大夫緹騎營士又靈帝光和元年初開西邸賣官自關內侯虎賁羽林入錢各有差則知漢末以貨受爵比屋皆然此碑五大夫所以若是之衆也惟分子未詳穀梁曰燕周之分子也注云燕召康公之後分子謂周之別子孫也景北海碑鵠不鳴分子還養蓋用家富子壯則出分之語謂惡逆之鳥鉗喙無聲外爨之息歸奉三牲也耿勳碑脩治狹道分子効力謂正丁已供差徭分子亦來助役此碑分子似指土豪出分子子三碑皆與穀梁合

此碑分子似指土豪出分子子三碑皆與穀梁合

武梁祠堂畫像  
 四老神坐神祚机  
 劉讓閣道題字  
 中部碑  
 武梁祠堂畫像  
 伏戲倉精初造工業畫卦結繩以理海內  
 祝誦氏無所造為未有者欲刑罰未施  
 神農氏曰宜教田辟土種穀以振萬民  
 黃帝多所改作造兵缺三字裳立宮宅

隸釋卷第十五

武梁祠堂畫像

麒麟鳳凰碑

詔賜功臣家五字

武梁祠堂畫像

伏戲倉精初造工業畫卦結繩以理海內

祝誦氏無所造為未有者欲刑罰未施

神農氏曰宜教田辟土種穀以振萬民

黃帝多所改作造兵缺三字裳立宮宅

帝顓頊高陽者黃帝之孫而昌字缺二子

帝倍高辛者黃帝之曾孫也

帝堯放勳其仁如天其知如神就之如日望之如雲

帝舜名重華耕於歷山外養三丰

夏禹長於地理字缺一泉字缺一陰隨字缺一退為肉刑

夏桀自伏戲至夏桀是一段

管仲齊桓公曹子刳桓魯莊公毀字

缺一侍郎字缺一專諸炙魚刺殺吳王吳王

荆軻樊於其頭秦武陽秦王自管仲至秦王是一段

缺一人名 豫讓殺身以報知己缺一人名韓王聶政

齊王無鹽媿女鍾離春自豫讓至無鹽是一段

梁高行奉金者使者

缺一人名 胡妻秋胡

義姑姊姊兒衛將軍自梁高行至衛將軍是一段

長婦兒梁節姑姊掠者姑姊其室失火取兄

子往輒得其子赴火如亡示其誠也

缺二人名 後母子前母子齊繼母

京師節女

怨家攻者

自使者至怨家攻者是一段

藺相如趙臣也奉璧於秦

秦王

范且

缺二人名

自藺相如至范且是一段

曾子

字缺二

孝目通神明貫感

字缺一

祇著乎朱方後世

凱式

字缺二

無網

子騫後母弟

子騫父

閔子騫

字缺一

母居喪

字缺一

移子騫

字缺一

寒御

字缺一

失

字缺一

老萊子楚人也事親至孝衣服斑連嬰兒之態令親

有驩君子嘉之孝道大焉

萊子母

萊子父

丁蘭二親終後立木為父鄰人假物報乃借與

自曾子至

丁蘭是伏戲下一段

處士 縣功曹

是豫讓下一段

缺一人名

榆母

渠父

邢渠補父

亦父

董亦千乘人也

章孝母

朱明

朱明弟

朱明妻

李氏遺孤

忠孝李善

休屠像

騎都尉

自榆母至騎都尉是梁高行下一段

缺一人名

義塚羊公 乞塚者

湯父

魏湯

缺一字

孝

缺一字

葬

缺一字

者

孝孫

孝孫

缺一字

父

自羊公至孝孫父是梁節姑下一段

右武梁祠堂畫像為石六其五則橫分為二梁高

行蘭相如二段又廣於它石所畫者古帝王忠臣

義士孝子賢婦各以小字識其旁有為之贊文者

其事則史記兩漢史列女傳諸書合百六十有二

人有標題者八十七人其十一人磨滅不可辨又

有鳥獸草木車蓋器皿屋宇之屬甚眾水經云金

鄉有司隸校尉魯恭冢冢前有石祠自書契以來

忠臣孝子貞婦孔子及七十二弟子形像皆刻之

四壁今此碑無闕里聖賢知其非魯君石祠中物

也又云鉅野有荊州刺史李剛墓其石室三間四

壁雕刻為君臣官屬龜龍麟鳳之文飛禽走獸之

像今此碑不畫四靈又知其非李剛石壁也趙德

夫雖云嘗得魯君石室所刻而題其所藏碑則云

武氏石室畫像其說云武氏有數墓在濟之任城墓前有石室四壁刻右聖賢像趙君東人當知其實而不能辯此畫為武氏誰人家前者金鄉鉅野皆隸山陽與任城接境必是東州阡壟當時競有此製予案任城有從事掾武梁碑以威宗元嘉元年立其辭云孝子仲章季章季立孝孫子僑躬脩子道竭家所有選擇名石南山之陽擢取妙好色無斑黃前設壇墠後建祠堂良匠衛改雕文刻畫羅列成行攄騁技巧委蛇有章似是謂此畫也故

予以武梁祠堂畫像名之後之人身履其壤會能因斯言以求是先儒說三皇五帝者不一太史公采大戴禮舉少昊而不錄經傳皆云帝顓之後黎為祝融蓋高辛之火正也惟莊子以祝融氏與戲農赫胥同辭白虎通既依史記五帝之序遂以戲農祝融為三皇至論五行則又以祝融為南方之神初非通論此碑以祝誦為祝融而介於戲農之間則白虎通之說也帝王世紀稱上古聖人牛首蛇身之類亦猶孔子四十九表所謂龜脊虎掌世

之言相者有犀形鶴形之比也俗儒作圖譜遂有

真為異類之狀者此碑所畫伏戲自要以下若蛇

然亦非也碑以樊於其為樊於期秦武陽為秦舞

爛者即嗜字 陽媿女為醜女凱式為楷式斑連為斑

猴即漿字魏即魏字

四老神坐神祚机

圈公神坐

角里先生神坐

右四老神坐神祚机凡四揚子雲法言曰美行園

公綺里季夏黃公角里先生班孟堅叙近古逸民

與揚子同陳留志云園公姓庾字宣明常居園中

因以為號夏黃公姓崔名廣隱居夏里號曰黃公

角里先生姓周名術或曰霸上先生皇甫謐之徒

說又相戾故顏師古注漢書悉棄不取陶淵明詩

有黃綺之南山杜子美詩有黃綺終辭漢之句似

亦以夏為地名也惟圈稱陳留者舊傳自序云圈

公為秦博士避地南山惠太子以為司徒至稱十

一世此刻有圈公神坐及神祚机則圈公盖有所

據也此四人者神坐及胙几當各有之今綺季角里尚闕其一而黃公者未見傳者云數十年前商於農人耕地得此

麒麟鳳凰碑

麒麟

鳳凰

右麒麟鳳凰碑凡二石其像高二尺餘圖寫甚有生意所題四字頗大漢代鳳皇集郡國頗有之惟麟不多見爾此刻亦猶李翁黃龍白鹿碑之類也

又有山陽麟鳳碑二物共一石其像小於此碑像下有贊云天有奇鳥名曰鳳皇時下有德民富國昌黃龍嘉禾皆不隱藏漢德巍巍分布宣揚又云天有奇獸名曰麒麟時下有德安國富民忠臣竭節義以脩身闕愆采善明明我君碑陰有記云永建元年山陽太守河內孫君新刻瑞像最後有銘辭皆篆文也胡承公云其石兩旁有隸書六十九字趙氏但得其篆予所藏亦然

劉讓閣道題字

建寧元年十月上旬工健為武陽劉讓造

右劉讓所題十六字相傳云在蜀中閣道建寧者

靈帝年號漢碑書健為之健皆作健

詔賜功臣家字

詔賜功臣家

右詔賜功臣家五大字今在蜀中似是漢人所書

其事不可詳也

中部碑

上缺祭酒謝俊

下缺

主記

字缺三

耐規主簿

字缺二

子

缺

門

史李慈世

字缺一

曹掾任

下缺

右

下缺

曹

下缺

曹

下缺

周

下缺

祭

下缺

武功

下缺

史

下缺

伯

下缺

臺

下缺

盛舉

下缺

王元陽

下缺

長尊

下缺

門

下缺

功曹

下缺

門

下缺

游微

下缺

主記

史

下缺

門

下缺

賊曹

下缺

史

缺

下缺

掾卓

下缺

掾

字缺三

宣

下缺

曹掾

黃

字缺三

章

右

金

曹掾慶嵩元

下缺

甫

下缺

法曹

缺

周順

下缺

曹掾

二

缺

字

子能

右

賊曹掾

下缺

胡真

下缺

兵曹掾

文

雒

字缺二

二

功曹史謝陽

字缺二

右

戶曹史

陳

字缺三

右

金曹史

王

二

缺

字

法曹史

字缺二

子慎

右

賊曹史

王

缺

耐

缺

兵曹史

缺

供曹史

下缺

尉曹史

下缺

中倉曹史任丞

下缺

曹史

字舉

下缺

史張

缺元

下缺

曹史

字元

元

字二

高

夫鄭憲德量校官主

師周

缺

子堅校官祭酒

缺寧

升舉

缺

部書掾

缺

任定英茂

缺

里祭酒任

下缺

陽

里祭酒李元升

下缺

新安

缺

里祭酒

缺

郡

字卓

下缺

威

缺

里祭酒卓世

下缺

明

字二

里祭酒解

下缺

永安

下缺

里祭酒

下缺

安昌里祭酒楊邦

下缺

宜遷里祭酒韓

子

下缺

中東里祭酒

缺

海明

下缺

西賈里祭酒任仲

缺

下缺

禮

下缺

高陽里祭酒王暘德

下缺

營里祭酒

缺

德

中文營里祭酒周升

下缺

營里祭酒張永

下缺

右中部碑隸額今在均州凡題名五十餘人如漢

世碑陰而有額謂之中部殊不可曉石理漫滅名

字勵有存者所稱諸曹掾史功曹主簿與它碑同

其間游徼番夫各一人祭酒十六人其一人曰校

官祭酒餘則里祭酒也游徼番夫漢縣皆有之凡

此諸曹史蓋縣吏也成都左右生碑有文學祭酒

則此之校官祭酒也如淳曰祭祠時唯尊長者以

酒沃酹胡廣曰古者賓客得主人饌則老者一人

舉酒以祭地凡官名祭酒皆一位之元長也西京以宗室為劉氏祭酒著節老臣如蘇武亦有此稱東京擇博士聰明有威重者一人為祭酒此碑所書里祭酒雖未詳所出殆是閭里高年如鄉三老之類者

隸釋卷第十六

隸釋卷第十七

趙相劉衡碑

富春丞張君碑

郎中郭君碑

廣漢屬國都尉丁魴碑

南陽太守秦頴碑

魯相謁孔廟殘碑

平原東郡門生蘇衡等題名

益州太守無名碑

吉成侯州輔碑

趙相劉衡碑

君諱衡字元宰濟南東平陵人也厥先尚矣聖漢龍

興下缺王爰啓冀土遷于岱陰自康侯以來奕世不

承君肩缺頌之純缺丁炎缺之運時放依下缺相王

字缺三其采孚藻發於成就慕周行而彌長不字缺二竝

之字缺二蹈字缺二之則不缺師訓之范而踐四教人道

所謂義方字缺二所謂言忠信不師而自缺者也是缺

雄雉恊服莫不歸稱仕下缺侯下缺于缺勃海王帝

之冢弟不遵憲典君以特選為郎中令彈枉缺慝匡

弼字缺二以缺兄琅琊相亡即日輕舉州察茂材缺除

舊令遷張掖屬國都尉以病徵拜議郎缺遼東屬國

都尉不缺拜趙相左位三下缺左疚字缺二行缺拜議

郎字缺二連徵不就君之始仕為吏師仍綏京缺興惠

訓下缺陟功西尉渠搜荒服來王後遷于趙叙民種

德威懷缺立缺清字缺二匡字缺二直字缺三俗惡容悅之

密缺承缺靈以字缺二宜錫缺福三壽仕朋旻穹不弔

字缺三疾年五十有三以中平四缺二月戊午碎其四

月已酉葬梁木圯墜閔嗣多孤下缺所自律缺栞勒

字缺三詒聲伐于後昆其辭曰

於穆我君邦家之缺正已帥義求福不回缺言以道

遠缺先幾字缺二有疾百侯僉咨舍德何取將缺名缺

如何弗字缺三云亡天方缺靡缺肯降缺歿而名垂善

令終休烈孔缺永缺二風爰勒金石千載

右趙相劉君碑在齊州歷城縣劉君名衡字元宰

為渤海王郎中令察茂材除舊令歷張掖屬國都

尉議郎遼東屬國都尉趙相再為議郎以靈帝中

平四年卒碑云渤海王帝之冢弟不遵憲典君以

特選為郎中令渤海王名悝威宗之母弟也靈帝

紀熹平元年書渤海王被誣謀反自殺曹節傳云

節與王甫逐捕朱雀闕誹書人不獲誣奏渤海王

誅之宋后傳載靈帝夢威宗曰悝已自貶又受誅

斃今訴於天上帝震怒帝以問許永對曰渤海處

國奉藩未嘗有過曾不證審遂伏其辜如史所載

則渤海死非其罪似作碑者附會時論辭有溢惡

然威宗紀延熹八年書勃海王謀反降為瘞陶王

後二年復舊則渤海亦非身端行治者瘞陶既已

覆車不能率德遷善遂罹孥戮之禍哀哉孝靈之

夢則齊諧家所志也碑以范為範碎即卒字乘即刊字

富春丞張君碑

君諱缺字缺龍缺君之第三子缺君之對弟下缺承

父兄下缺矜矜寘悔游居出缺孝友宣聞忠信瀾下缺

涉貫多缺通朝立節正言卓下缺如松歲寒而不凋缺

缺十州從事臨疑吐下缺深下缺其操缺智缺君缺

之尤可稱下缺有秩除吳郡下缺約清間教下缺丞

道溝缺疾三年癸亥景命不祿君缺嚴平李德上感

下缺新市富春各復早世既隕慈怒續嗣不茂哀心摧

剝靡下缺碑古今之常乃登山萊石刊照厥勛其辭

曰峨峨富春膺姿清烈孝擬參騫人無間伐與友必

信久而缺密字缺三敬州間稱實佐政流化垂歌吳域

位細德弥禮讓雖穆曷寤旻穹圮此英喆哀矣永徂

命不可追周孔至仁弗能扞違銘勛示後呂章厥輝

右漢故富春丞張君碑篆額在亳州張君之名彷彿

如湏字士人以為張湛亦非也碑載其父兄而

官稱磨滅誌文多不成章而銘詩可讀其間云三

年癸亥景命不祿考東都歷年凡三癸亥永平與

光和之六年延光之二年是也建光有三年則歲

在癸亥但次年壬戌已改延光亳社去雒陽不遠

不應踰兩載而不知改元也此碑先已裝剪不無  
顛倒棄去者三年之下盖有關文也世即世字  
菜即采字

郎中郭君碑

漢郎中郭

下缺

君業

缺

安命書所

字缺五

肅

字缺六

其

下缺

主簿督郵

缺

帥

下缺

守

字缺二

思

字缺二

以齊其民

字缺二

氏其殆庶幾

缺

其有之是以似之

以孝廉

字缺三

郡

缺

功

字缺二

樹

缺

室與

字缺二

如

字缺二

臨

缺

如

字缺二

祠丞嘗

惠兄仲犀奉繆鄉

缺

禮終

缺

舉

缺

臺閣以尹王室遭

疾

缺

旬醫蒞

缺

究

字缺三

剝切天子使弔羣后咸怨拮

人違殂絕

缺

寒之性既納嬪

字缺二

頌周南之

缺

遭

二缺

字

之誼為人後者為之子州郡

缺

北俊艾叙聖踰拮

君之功烈

缺

銘天府乃共刊石樹碑式旌

下缺

缺

矣郭君柔嘉惟則玄靜

缺

重猗

缺

令色

缺

德惟

缺

威儀是力從善懲惡讒慝斯

缺

功奮千里

字缺二

咸

缺

孰不呼天懷忠傷絕元兄繼世貞

缺

守節壺

字缺三

載

典藉矣追顏驂冉通神明矣後人

字缺二

永不

缺

矣

右漢郎中郭君之碑隸額名字皆缺文辭亦有可

句者其云惠兄仲犀又云元兄繼世而有為人後

者為之子之文蓋郭君以兄之子為後也郭仲奇  
碑嘗有惠兄之稱此碑復爾仲犀者若非仲奇之  
伯仲則其同族也

廣漢屬國都尉丁魴碑

廣漢屬國故都尉丁君諱魴字射河君缺往知形九

德就穆耽樂術藝文雅少疇治易韓詩垂意春秋兼

究祕缺五義率由缺二明哲缺二漢劉缺落高明與

世絕殊建迹蜀郡屬國風源巴蜀施刑缺四表以糾

上缺荒缺州恩加一郡化洽蜀柔三載功成遷廣漢

缺七善疾惡缺二有缺朱紫不替缺蜀汶水爭弘鄂

邦漑灌田畝缺不疇百缺四二缺五缺百缺二起駱驛

紫徹照察授以苻英缺理邊邦羗夷缺兇缺二分部

頓顙缺二朝廷諷誦四遠翕赫鄉人好事嚴子脩缺

仲容趙伯缺二發缺二汝報缺等六十餘人回斯表

勒以效後產其辭曰

炎唐聖德祚缺漢皇百缺三自西徂東隆平缺三以

建邦缺不協和萬國明洞君惠子行志則缺從化缺三

字奕缺六火缺八以公為世建缺五无窮号

元嘉元年十一月六日造

右廣漢屬國都尉丁君碑今在巴州威宗元嘉元

年立丁君名魴字叔河其碑僅有數句成文如云

耽樂術藝文雅少儔治易韓詩垂意春秋其仕則

初為蜀郡屬國都尉三載功成遷于廣漢立碑者

六十餘人嚴子脩為之首碑以施刑為弛刑疇伯為疇陌駱驛為絡繹

南陽太守秦頡碑

上胄伯益下佐成禹績下曰下以下邦奕世載德乃

篤生君稟堅和之行秉賢明之下施不求報惠子二

字然而質性剛毅温恭以將之勇缺以守貞下有

全缺之事三司來上為會稽府丞下三缺光和三

丰拜下宣威恩齊其教不易其俗下交缺降

萬有缺人下可下久下之後下作下子

道焉下之方下

孝廉宛字子仁孝廉安眾下孝廉安眾劉略子達

孝廉安眾字孝廉安眾張儉子約孝廉章陵字

孝廉新墜陰剛子直孝廉驥字孝廉順陽郭儀文

卿孝廉葉虞字孝廉宛史琬子俊孝廉章字能

茂升上計掾平氏朱諒季平上計掾缺二字育子和上

計史宛卓韶缺伯上計史宛缺艾缺二字上計下缺

右漢故南陽太守秦君之碑篆額歐趙皆云文已

磨滅惟存其額十大篆予所得者猶有九十餘字

其後有孝廉十二人上計掾史五人題名靈帝紀

中平元年三月南陽黃巾張曼成攻殺郡守褚貢

六月南陽太守秦頡擊曼成斬之三年二月江夏

兵趙慈反殺南陽太守秦頡水經云宜城有南陽

太守秦頡墓墓前有二碑頡都人也以江夏都尉

為南陽守道過宜城見一家東向頡駐車視之曰

此可作塚後頡卒於南陽喪還至此車不肯進故

吏因市此宅葬之則知此為秦頡碑也其間有光

和三年字蓋是述其前事天下碑錄云碑在宜城

熹平年立非也

魯相謁孔廟殘碑

上許缺帝命英授俾相丐魯吉月令辰欽謁下缺地

龜藏寶覽鴻基之曠蕩觀林木之窈下缺揚美風

而動物和陰陽以興雨假爾收仰下缺訪之儒產稽

之典謨聖德設章先民有下缺在質樸春秋烝嘗幾

以獲福昔在周人下缺成共立碑石因而銘之咸自

紀藉天下缺

上缺史字下缺德東海況基人下缺儒字仲睢東海人下缺

右無名碑首尾上下皆碎裂餘石纔有數行詳其

辭非是諛墓中人者亦非頌德政紀工役之事前

有帝命英授俾相于魯吉月令辰欽謁十四字又

云春秋烝嘗幾以獲福蓋是謁廟之文後有訪之

儒彥稽之典謨聖德設章及昔在周人之句似皆

是鋪張孔子也中云覽鴻基之曠蕩觀林木之窈

深似指孔林而言或題為駐蹕亭前斷碑此亭蓋

在闕里趙氏著錄有魯相謁孔子碑而無其說疑

即此也未有叔德仲雅題名皆東海人而亡其姓

碑以況基為祝其乃春秋夾谷之地又假爾為遐

平原東郡門生蘇衡等題名

上缺國缺字文缺門生平原高缺三字缺二門生東

郡下缺門生北海劇缺字孟高門生東郡樂平蘇

衡字缺二門生平原高缺二儀字威祖門生東郡樂

平高扶字缺二門生下缺門生平下缺道超門生東

郡聊城路下缺平原安德缺二字字缺貴門生陳留缺

馬師缺三字門生平原安德寧下缺漢興下缺門生陳

留下缺平原安德缺二字字缺維子門生東郡缺三字伯將

門生平原安德缺二字字缺方門生陳留下缺門生下缺

子弘門生汝南缺楊下缺平原安德缺武字文祖下缺

公輔門生平原安德缺謾字伯超下缺門生汝南下缺

字缺二門生平原濕陰馬象字世輔門生潁川下缺

表門生平原濕陰方缺字次缺門生潁川下缺門生

平原股丁缺字興祖門生梁國睢陽下缺甫興門生

平原股祝循字缺二門生下邳徐祖字常真門生

南陽樊下缺門生下缺文超下缺門生平下缺東平

無鹽下缺

右平原東郡門生蘇衡等題名三十餘人蓋東郡

平原北海陳留汝南潁川梁國下邳南陽東平十

郡之士也姓名多已淪滅或云碑在孔里駐蹕亭

前或題云孔府君碑陰天下碑錄載孔墓之碑凡

八隸釋有其三矣趙氏有元年乙未孔君碣亦不

知為何人也如司空孔扶河東太守孔宏御史孔翊從事孔君德博士孔志五碑皆世所未見者碑

般為

益州太守無名碑

永壽元年三月十有九日益州太守缺君卒嗚呼懷

哉缺四如何我君遭命隕隆國喪雄幹世也罔則吏

民缺二立石紀迹其辭曰

上缺君其祖後缺五為漢表磨位缺術缺九名缺二

魏彷彿儉稟堅良缺三大郡缺有缺二澄內清外以

身帥下誅豪討愆處缺二口缺二消慝迷缺以寧貪

鬻改操革濁為清犁地安土人歌大平超前守之治

迹缺沒世而無缺當缺五何缺二命不豫缺疾徂靈

遠近傷切痛于倉乾缺於舊缺長決缺二折而不朽

名勒丹書嗚呼懷哉

亂曰仲尼去魯予君子失路喪賢君子與誰懇失明

哲予入川戶名不滅予功留後缺三子祐孫子

功曹掾建伶缺澤字文缺主字缺五字缺二從史牧靡

缺二字元白從史楨棟缺二字缺二故吏牧靡孫缺

字缺二故吏滇池字缺二字缺二故吏建伶字缺二字缺二

字缺二故吏滇池王字缺二材字缺五字缺二故吏字缺五字缺二故吏字缺二

王字缺四故吏建伶李字缺四故吏下缺故吏下缺故吏下缺故吏下缺

下缺故吏下缺故吏下缺故吏下缺故吏下缺故吏下缺

吏穀昌下缺故吏俞元下缺故吏下缺故吏下缺故吏下缺故吏下缺

吏下缺故吏下缺故吏下缺故吏下缺故吏下缺故吏下缺

吏下缺故吏下缺故吏下缺故吏下缺故吏下缺故吏下缺

二人又字升又下缺又下缺又下缺又下缺又下缺

缺六字又又下缺又下缺又下缺又下缺又下缺

右益州太守碑以朱爵為額龜蛇為趺龍虎銜璧

在其兩旁一崇碑也首云永壽元年三月十九日

益州太守某君卒其姓獨刻滅或有謂之馮君者

豈予所藏偶不明邪碑云澄內清外以身帥下又

云貪饕良改操革濁為清則素絲羔羊之風必有先

前絕後者夫丹書鐵契高帝所以申信誓於功臣

也後人以斐豹之事遂指丹書為罪籍講德者不

復用之此云名勒丹書謂丹青也碑之左有功曹

掾故吏題名四十八人皆屬邑建伶牧靡楨棟滇

池穀昌俞元之人也僅有王李數姓可辨名字皆

不具矣

碑以犁為黎倉為蒼懷即  
哀字恩即惡字川即坤字

益州太守碑陰

故吏牧靡陳漢字伯成故吏牧靡楊缺字茂材故吏

牧靡

下缺

右益州太守碑陰有牧靡故吏三人題名在跌之

右此碑刻五玉三獸下有牛首蜀中漢碑如是者

有柳敏碑陰馮緄墓道雙排六玉碑又有單排六

玉碑與此凡四柳敏馮緄兩碑六者皆同此碑無

璜單排碑兩璜而無瑁鄭氏注周官云璧園象天

琮八方象地圭銳象春半圭曰璋半璧曰璜惟琥

但云琥猛象秋為之圖者皆云琥以方玉刻伏虎

之形聶崇義所畫琮八出如花片陳祥道禮書又

云琮體方而四角此碑之琮則五角單排碑則十

角焉柳碑中者則同鄭說玉人云天子執冒以朝

諸侯說者謂冒方四寸其下邪刻之廣狹如圭首

諸侯執圭來朝以此冒之所以濟瑞信猶合符也

碑有者三獨無六器之琥爾此碑刻瑁圭璋於

上琮璧於下其中則鼎列三獸柳敏碑則一禽  
 於首一獸為之跌六玉之中有牛首一而貫之以  
 環馮緄碑則其上刻禽獸各一其下一牛首六玉  
 之下又刻兩獸有一人跨其右者單排碑則  
 爵而下玄武其六玉則右璋左圭又雙璜相向如  
 佩次之璧與琮又次之蜀人名之單排六玉未知  
 何人家前物也此碑之圭瑁馮緄之璧琮璜則白  
 餘皆黑也緄墓前又有一碑亦上朱爵而下玄武  
 其中無文謂之六物碑

吉成侯州輔碑

缺二輔字缺二世缺五于炎缺八君缺五卿衛特以

才明敏達拜小黃門還事和熹后孝安帝安思皇后  
 時為大宮令孝順皇帝踐臍之缺復弘拜小黃門遷  
 臧府令當拜中常侍讓與同郡錡任後以病孫位起  
 家復拜謁者令中尚方缺遷中常侍遭順帝棄天下  
 扶佐孝冲孝質帝兼領黃門令順烈皇后攝政以君  
 舊缺拜長樂大缺遭孝質無嗣乃定冊帷幕煖立聖  
 主有安社稷之勲建和二年七月己巳詔冊曰蓋聞

春秋之缺采豪毛之善大漢典制有恩澤之封輔歷

世守省恪恭位著建立之際處乎左右常伯之職同

缺恊意以亮天功往者鄭衆蔡倫行事科比其封輔

為葉吉成侯和平中君復轉拜大長秋兼以缺侍之

位括統前後明先帝法令曉舊章之事周密澍慎奉

已守度在寵弗盈能自挹損爵缺日隆持之益懼每

所典領威禁不犯遠惡辟害不離艱難所謂摩而不

粼涅而不緇者缺朝廷禮之以君耆老有机杖之賜

年六十有二永壽二年十二月丙子薨中外咨悼賻

贈缺等昔管蘇之尹楚以直見疏死記其缺張卿之

左漢缺季布之缺以安高后論德比隆君寔缺於

是鄉人姻族乃相與刊石樹碑昭宣令問其辭曰

盛德之休實生君侯天授厥美忠貞以缺退翼軒缺

達缺華樞六帝四后是咨是諏錫以寵衣紫艾兼紆

幹國棟家以光以舒後缺禮缺四缺人誰缺泥戎貴

不濡缺君守固終始不渝旌之萬祀顯耀永譽

右漢故中常侍長樂大僕吉成侯州君之銘篆額

州君名輔為小黃門大宮令復拜小黃門歷臧府

令謁者令中尚方令中常侍黃門令長樂大僕大  
 長秋封葉吉成侯以威宗永壽二年卒曹騰傳云  
 與輔等以定策功封亭侯騰所封者費亭輔之封  
 葉吉成者葉縣之吉成亭也此碑叙其歷事六帝  
 四后詳贍有史法與漢代它碑體格絕不同也東  
 都閹尹挾震主之威舉動回山海呼吸變霜露及  
 家凶身裂而龜鼎亦遷矣其碑刻存於今者有四  
 曹騰碑陰乃兩制策爾此碑謂其恪恭周密在寵  
 弗盈當拜中常侍而遜其鄉人樊安碑則謂其甘

貧樂約不覲榮貴為邑宰所慢然後慷慨從宦譙  
 敏碑則謂其倍權守靜韜光遠咎恥與鄰人並驅  
 三人者俱無列傳豈咸有殊操異於輩流乎譽之  
 必過其實蓋諛墓之辭爾

還即逮字涅即涅字  
 緇即緇字誦即越字

州輔碑陰

漢陽太守

下缺

故京地尹延薦紂堅故東平相溫貢

顯宗故益州太守駱肅文惠故交趾太守冠軍橋術

伯道故上黨太守州郡當世司徒長史死任缺伯陽

故光祿丞宛趙堅紂貞故臨湘令扶缺仲缺故閩令

馬浮元顯廣平令王璋伯玉故廩犧令章陵錢訢禮

公車騎將軍司馬宛字缺二守矩小侯新墜鄧辰伯臺

故細陽侯相州寶季珍故河陽長州宗伯興尚書侍

郎比陽張超伯載故海昏侯相謝景缺朝郎中州博

起世光祿丞州永孟元公車令州忠紂王故建城長

何拒世舉故建昌長唐超景遠故鄴陽長王福仲昭

故南武陽侯相張和仲異故便長營匡仲英故襄陽

長辟敏紂公故郎長州湯伯德郎中王恭季公郎中

陳充廣世郎中州超巨堅故隋守長州歆宣睢故荆

州從事州蘇宣豫故荊州從事州熹伯平故河隄從

事張睢伯宗故軹長胡肅伯於處士趙訢公甫處士

李缺文德故督郵蘇缺義山故督郵杜合巨孫故督

郵魯陽袁苞景伯故缺守令州稱子明故府掾杜瑗

次高故府掾何進定安故府掾王長伯缺故府掾汪

直元孝處土州龍宣興處土王缺公缺處土傅稠公

下缺

右州輔碑陰自漢陽太守而下四十有九人其八

人稱邑曰冠軍曰宛曰章陵曰新野曰比陽曰魯

陽皆南陽之邑也餘人唯延篤有傳乃南陽犍人則不稱邑者犍之人也碑云鄉人姻族相與刊石則又知輔為犍縣人也輔當拜中常侍而遜其同郡錡任則輔蓋厚於鄉黨者故其殂而鄉人肯為之立碑趙氏云東漢名卿賢大夫死則門生故吏立碑而題其陰延叔堅當代顯人挂名于此亦可恥觀叔堅與李文德書豈登州氏之門者其後坐鉤黨廢錮鄉里至於圖其形于屈原之廟非終始無疵安能有此靈帝時中常侍張讓歸葬潁川一郡畢至而名士無往者張甚恥之太丘長陳仲弓獨弔焉及後復誅黨人張感仲弓故多所全宥史官稱之曰漢自中世闡人擅恣俗遂以遁身矯潔放言為高士有不談此者則芸夫牧兒已叫呼之矣故時政彌昏而其風愈往唯陳先生進退之節必可度也蓋達而得位則正色立朝不可朋姦而趨勢及身退窮處則同塵所以遠害固大雅君子之所尚方叔堅居里而同郡為輔勒石借其名以為重叔堅亦不得而拒也非若它碑門生故吏之

比趙氏其何疑焉州姓見于簡策甚鮮此碑所題  
 乃十有三人在內則令公車丞光祿居郎位在外  
 則守上黨相細陽小者亦為州從事縣令長一璫  
 在朝不但三人緩帶而已

隸釋卷第十七

隸釋卷第十八

司空宗俱碑

太丘長陳寔壇碑

縣三老楊信碑

益州太守城垣碑

是邦雄桀碑

仲秋下旬碑

故吏應酬殘題名

司空宗俱碑

公諱俱字伯儷南陽安衆人也

先蓋四出出後

宗

缺十

九字 禭父司隸校尉父長沙太守自初仕漢呂來

禭族枝葉

缺二

不

缺

出

缺七

殊

缺七

大

缺二十

郡

辟

州察孝除字缺二城門候字缺五郎中字缺七令字缺十詣尹

英督骨徒字缺二移字缺不肅而成字缺四州郡仍字缺十出

足字缺二政字缺一外字缺二内字缺二任字缺二出字缺十出字缺

字呂字缺二七令名布亏華夏字缺三不字缺七清而字缺

六藉徵拜議郎字缺漢字缺大字缺三不字缺十列功字缺出字缺

十六議郎五官中郎將越騎校尉字缺十汝南太守字缺

字二功字缺一大字缺六統八字缺三台司字缺十踐位字缺九十

其辭曰字缺不字缺四有字缺伊字缺入字缺二天字缺八呂字缺九故字缺

上字缺而字缺三不字缺二大字缺三功字缺九言字缺二十康功字缺

字缺二承英適為大字缺六少府字缺慈肅恭適英大僕字缺四

字適秩大常三礼有字缺帝曰字缺詔適陟司空疆理物

土字缺一十同穹旻字缺

右漢司空宗公碑篆額有陰碑之文皆已殘缺惟

名字郡邑父祖獨存而官秩尚可見宗公名俱以

察孝為城門候歷郎中議郎五官中郎將越騎校

尉汝南太守少府太僕太常遂拜司空碑云祖父

司隸校尉父長沙太守范史靈帝紀建寧三年七

康

月太常宗俱為司空熹平二年正月薨宋均傳云  
 族子意意自有傳以章和中為司隸校尉其傳云  
 孫俱靈帝時為司空碑與史皆合惟傳誤以宗為  
 宗爾俱持國秉一歲有半雖無列傳不詳其人賢  
 否而宦者傳云熹平元年有人書朱雀闕言天下  
 大亂曹節王甫幽殺太后公卿皆尸祿無忠言者  
 司隸劉猛以誹書言直不肯急捕若俱者亦尸祿  
 一人之數也以禮為祖英即典字適即乃字碑中之字皆用篆文

太正長陳寔壇碑

君諱寔字仲躬二字十之禮樂番番良缺既光既耀缺

立於朝行成字缺七竝荷從司徒掾字缺九教宣流字缺六

儀魏魏大清唯玄缺之明明六字十著望色缺飛缺勛

克戰字缺四翼字缺十險而不字缺三食缺魚字缺五其君六缺

志老字缺四耄矣梁頓山字缺三貽字缺九賢叅之方二缺

仁學字缺宗道字缺二百辟字缺四臣吏民字缺三懷惟三缺

相與字缺二碑字缺二勒壇字缺五靈我字缺二昭下缺

右故太邱長穎陳君壇其篆額穎之下闕二字陳  
 君名寔以靈帝中平三年卒本傳云穎川許人郡

國志注獻帝徙都許改曰許昌此額所缺者穎之  
 下是川又一字當是許也額之題郡邑猶劉曜東  
 平無鹽之比其云壇者蓋指廟中之壇段光為孫  
 叔敖立廟作碑其文云興祀立壇是也此碑在毫  
 州永城縣即古之太邱也傳云以沛相賦歛違法  
 乃解印綬去吏人追思之碑中有色飛之句而飛  
 之上下缺字盖用色斯舉矣之意乃載其去邑事  
 也蔡中郎凡作陳君三碑其第一碑云許令以下  
 至于國人立廟舊邑四時烝嘗歡哀承祀如其祖

禰先生存享重稱亡歆血食脩行於已得斯於人  
 固上世之所罕有前哲之所不過也所謂立廟舊  
 邑則知太邱有此碑勒其文皆已亡缺無可讀者  
 惟其首云君諱寔字仲躬尚存諸書皆字陳君曰  
 仲躬獨此碑不同殆是借用

縣三老楊信碑

故縣三老楊信字伯和祖自河東字缺七子任為陳留

大守子游缺舉孝廉字缺七遷陵蠻夷為盜賊居交侵

缺 蔣厲兵甲字缺二眾患缺敵缺阻與主簿字缺六子缺十

三營字缺二里第字缺七不字缺七留為字缺三民部縣字缺三曹上

列掾字缺七官掾功曹字缺七事字缺七長子字缺六少字缺子字缺

昌隱處潛字缺四人子字缺十世字缺二存惟兮和平大漢元

年字缺四有字缺五六月上旬大陽用事扶衛字缺二

學字缺六大中字缺布乃字缺二罪罪字缺極之字缺靡不字缺六

三老天性字缺三字字缺七郡字缺之字缺禮鄉黨稱焉七十

有二遭疾不字缺哀我字缺三愴字缺然字缺辟世乾川不

宗字缺三不字缺生春秋字缺殞魂兮有靈時來歸字缺五

顏家絕字缺永字缺三子孫揚字缺追念義刑出字缺四勒石

缺下

右縣三老楊信碑今在蜀中石已剝剝鮮有成章

者惟官氏名字俱存所云陳留太守則其父祖也

其文有蠻夷盜賊及蔣厲兵甲之句蓋是述其扞

寇之績其官惟有官掾功曹四字其中有惟兮和

平大漢元年之文惟兮歎息之辭張偉伯墓中石

文亦用之和平者威宗之紀年其末云七十有二

遭疾則其所終之壽也碑以蔣為獎

益州太守城垣碑

上缺夫缺矣君之先也肇自軒轅以臻于君缺行布

光耀八埏君慕厥緒缺之下缺衍然旂學魯衛師

孔氏門鈞深河雒綜覽典墳於忠報君缺以禮招歷

下缺公缺獨立君臨危授命迺卦波翹回缺君字缺一

二百餘人字缺一請字缺一尚書下缺漢中先零沈巨羌

攻字缺一皆犯一字一之好缺一所鄉風靡字缺一汁字缺一四

方會聚萬有餘人牧守字缺一寺缺一後使者高字缺一君

二子督字缺一擊治之所苦史缺一故字缺一分字缺一遣徐

福漢龍字缺一皆虛不實字缺一不缺一君缺一移缺一收捕四缺一

字蜀之缺一郭缺一師徒字缺一三府交命遂就大尉歷臺

下缺八字缺一益州郡縣十八下缺一十年三司集議缺一

君缺一謀首露缺一之缺一有詔拜君益州太守下缺一沛水缺一

流邑無蔽日之宇路無禽鳥之跡字缺一所加下缺一仁

慈藜首愛缺一帥以狗彘衆收葬路殍缺一育孤缺一至丐

玄月以缺一又缺一悉缺一所字缺一小有缺一人缺一扶携老小

弘類而至缺一人字缺一鰥寡衆缺一十有八羊缺一復缺一火

此殘益州字缺一賴字缺一有字缺一十二下缺一之前字缺一悉

亡字缺一之後六下缺一廿缺一方三百里旬月之間下缺一

木下缺大圍二尺字缺四災缺不下缺於字缺三二百餘人因

功後世字缺四 下缺

右無名碑蜀人謂之城垣碑末有方三百里圍二

尺字及用人用日數似是記板築事首云肇自軒

轅以臻于君則紀其族系也游學魯衛師孔氏門

鉤深河雒綜覽典墳則美其問學也自此歷官皆

利缺多叙討擊寇攘鳩集流散之事有先零氏羌

攻犯及四方會聚萬有餘人之語三司集議以其

有謀詔拜益州太守餘或句有可讀而上下文不

相屬矣引字

是邦峻缺生雄桀遇則國良失字缺八羌畔戾缺動

干戈州郡時無賦發君設貨寶俱謁字缺五不缺人命

義字缺二晉楊侯苗由彼適梁捷為武陽世字缺七迄君

知字缺二郡舉貢字缺五扈字缺十思字缺五聲陰陽燮節

百穀滋益洽遠存字缺三應字缺七凶孽字缺二楚荆大史

君將出征遠字缺六人字缺十千君以字缺三賓布字缺四

率字缺羣字缺八五年政崇缺平道不拾遺字缺六九字缺十

隸畢

三為中興勲少字缺四不義字缺四紀其缺曰

上缺字缺二号字缺四伯缺德行光缺愛之風字缺三畏

缺下右無名碑以天祿為額其下刻一牛首又有碑陰

上朱鳥而下玄武其中則没字碑也此碑之首云

干是邦峻生雄桀峻之上下各缺一字盖言其山川

孕秀也其間有晋楊侯苗由彼適梁捷為武陽之

句疑其姓楊而家捷為也其初云畔羌動干戈州

郡無賦發君設貨寶當是出家財以禦寇也其中

又有君將出征及賓布字亦是破賊之事碑今在

西州字畫類李翊碑盈字

仲秋下旬碑

缺上漢元成缺下氏之宗功冠當世缺下烈不隕厥問鎬摠

缺下淵隩發明慮於事類鄉缺下蛾附遐邇晞風嘉再卓

缺執股桓辭病不降缺下方舉淹瘵紫載和缺下紀浣缺

仲秋下旬學日辛缺下物恒羣儒咨嗟凡缺下其懷辭白

缺上大明爰茲衰微三命縮羸悲彼缺下幽冥背介嬪儂

孤嗣禫煢歎懷哉缺下徵嘉斯缺榮歎歎懷哉

右無名碑字畫清逸頗類故吏所立劉寬碑但石  
 損字缺所餘亡幾其云紀渚者歲在涪灘也仲秋  
 下旬粵日辛者所終月日也淹瘵累載者久苦沉  
 痾也三命縮羸者嘗選貢也背爾嬪儷孤嗣禪熒  
 者有妻帑也爾雅父為考母為妣嬪婦也郭璞注  
 引詩書大傷厥考心聿嬪于京明非死異稱冀州  
 郭從事碑哀哀考妣追惟賈靈卜商號咷喪子失  
 明此碑背爾嬪儷皆祖爾雅之說禮記生曰父母  
 妻死曰考妣嬪後人自當為二親避獨不以故妻

為嬪者豈以妃嬪之故乎  
碑以蟻為蟻禪為單

故吏應酬殘題名

故吏應酬故吏趙溢

右郡

故吏舒苗故吏榘宗故吏眾習故吏榘田故吏張緒

故吏榘會故吏常楫故吏榘旦故吏榘庭故吏李稱

故吏張衍故吏趙肇故吏常荒故吏苟雅故吏王思

故吏王弋故吏董興故吏魏光故吏李興故吏朱明

故吏楊生故吏王麻故吏王恂故吏呂永故吏唐治

故吏馮慈故吏楊瑋故吏劉賓

右江原

右故吏應酬殘題名共三十人此石所存者橫兩

行爾上一行兩人之後則左右郛字其下一行凡

十五人未有右江原字二邑皆隸蜀郡此蓋蜀郡

太守碑陰也

構即構字  
肇即肇字

隸釋卷第十八

隸釋卷第十九

魏大饗碑

魏公卿上尊號奏

魏受禪表

魏脩孔子廟碑

魏橫海將軍呂君碑

范式碑

張平子碑

附

魏大饗碑

惟延康元年八月旬有八日辛未魏王龍興踐祚規

恢鴻業構亮皇基萬邦統世忿吳夷之凶暴滅蜀虜

之僭遂于赫斯怒順天致罰奮馘虜之校簡猛銳之

卒爰整六軍率凶怒暨單于烏桓鮮卑引弓之類持  
戟百萬控弦千隊玄甲曜野華旗蔽日天動雷震星  
流電發戎備素辦役不更藉農夫安疇商不變肆是  
以士有拊譟之驩民懷惠康之德皇恩所漸無遠不  
至武師所加無強不服故寬令西飛則蜀將東馳六  
旆南徂則吳黨委質二虜震驚魚爛階潰將記自三  
江之流方軌邛來之阪斬吳夷以染鉞血蜀虜以釁  
鼓曜天威於遐裔復九圻之疆寓除生民之災孽去  
聖皇之宿憤次于舊邑觀釁而動築壇壝之宮置表

著之位大饗六軍爰及譙縣父老男女臨饗之日陳  
兵清涂慶雲垂覆乃備俾禦整法駕設天宮之列衛  
乘金華之鸞路達升龍於大常張天狼之威弧千乘  
風舉萬騎龍驤威靈之飾震曜康衢旣登高壇蔭九  
增之華蓋處流蘇之幄坐陳旅酬之高會行無筭之  
酣飲旨酒波流沓沓陵積藟師設縣金奏讚樂六變  
既畢乃陳祕戲巴俞丸劍奇舞麗倒衝夫踰鋒上南  
踰高舩鼎綠幢舞輪摘鏡騁狗逐兔戲馬立騎之妙  
技白虎青鹿辟非辟耶魚龍靈龜國鎮之恠獸瓌變

屈出異巧神化自卿校將守以下下及陪臺繇園莫  
 不歆淫宴喜咸懷醉飽雖夏啟均臺之饗周成岐陽  
 之猥高祖邑中之會光武舊里之宴何以尚茲是以  
 刊石立銘光亦來葉其辭曰  
 赫王師征南裔舊靈威震天外吳夷龍言蜀虜竄區夏  
 清八荒艾幸舊邇設高會皇德洽洪恩邁刊金石光  
 萬世

右大饗之碑篆額在亳州譙縣魏文帝延康元年  
 立相傳為梁鵠書碑字有不明者唐大中年亳守

李暨再刻故有文可讀漢獻帝建安二十五年正

月魏王曹操死其子丕嗣位改元延康魏志云丕

以七月甲午軍次于譙大饗六軍是時漢鼎猶未

移也不為人臣而自用正朔刻之金石可謂無君

之罪人也武王載西伯神主于軍中者弔民伐罪

之師也不以姦賊之心欲吞吳翦蜀遂攘神器爾

操之肉未寒而置酒高會酣飲無筭金奏間作祕

戲畢陳誇辭諛語無所忌憚可謂無父之罪人也

士大夫積藏其碑者特以字畫之故爾碑云八月

至譙而史作七月亦不必多辨也

碑以併御為蹕樂九增為九層

均臺為鈞臺假為蒐

魏公卿上尊號奏

相國安樂鄉侯臣歆大尉都亭侯臣詡御史大夫安

陵亭侯臣朗使持節行都督督軍車騎將軍缺二臣

仁輔國將軍清苑鄉侯臣若虛牙將軍南昌亭侯臣

輔輕車將軍都亭侯臣忠冠軍將軍好時鄉侯臣秋

渡遼將軍都亭侯臣朶衛將軍國明亭侯臣洪使持

節行都督督軍鎮西將軍東鄉侯臣真使持節行都

督督軍領揚州刺史征東將軍安陽鄉侯臣休使持

節行都督督軍征南將軍平陵亭侯臣尚使持節行

都督督軍徐州刺史鎮東將軍武安鄉侯臣霸使持

節左將軍中鄉侯臣郗使持節右將軍建鄉侯臣晃

使持節前將軍都鄉侯臣遼使持節後將軍華鄉侯

臣靈匈奴南單于臣京奉常臣貞郎中令臣洽衛尉

安國亭侯臣昱大僕臣夔大理東武亭侯臣繇大農

臣霸少府臣林督軍御史將作大匠千秋亭侯臣照

中領軍中陽鄉侯臣楙中護軍臣陟屯騎校尉都亭

侯臣祖長水校尉關內侯臣凌步兵校尉關內侯臣  
 福射聲校尉關內侯臣質振威將軍涅鄉亭侯臣題  
 征虜將軍都亭侯臣觸振武將軍尉猛亭侯臣當忠  
 義將軍樂鄉亭侯臣生建節將軍平樂亭侯臣圃安  
 衆將軍元就亭侯臣神翼衛將軍都亭侯臣澗討夷  
 將軍成遷亭侯臣慎懷遠將軍關內侯臣巽綏邊將  
 軍常樂亭侯臣俊安夷將軍高梁亭侯臣昂奮武將  
 軍長安亭侯臣豐武衛將軍安昌亭侯臣楮等稽首  
 言臣等前上言漢帝奉天命以固禪羣臣因天命以

固請而陛下違天命以固辭臣等頑愚猶知其不可

况神祇之心乎宜蒙納許以福海內欣戴之望而丁

卯制書詔臣等曰缺五字魏志云足以時則虜未滅

若以羣賢之靈得保首領終君魏國於孤足矣若孤

者胡足以辱四海至乎天瑞人事皆魏志云

先王聖德遺慶孤何有焉是以未敢聞命臣等伏讀

詔書於邑益甚臣等聞易稱聖人奉天時而論曰君

子畏天命缺五字魏志云然後帝者有禪代是以唐

之禪虞命以在爾虞之順唐謂之受終堯知天命去

已故不得不禪舜知歷數在躬故不缺五字魏志云

不禪奉天時也不取不受畏天命也漢朝雖承季末

陵遲之餘猶務奉天命以則堯道是以顓禪帝位而

歸二女

陛下正於大魏受命之初抑虞夏之達節尚延陵之

讓體所枉者大所直者小所詳者輕所略者重中人

凡士缺二字魏志云猶為

陛下陋之歿者有靈則重華必忿憤於倉梧之神墓

大夏必鬱悒於會稽之山陰

武王必不悅於

高陵之玄宮矣是以臣等敢以死請且漢政在奄宦

祿去帝室七世矣遂集共石牙其宮殿而二京為之

企虛缺七字魏志云當是之時四海蕩覆天下分崩

武王親衣甲而冠冑沐雨而櫛風為民請命則活萬

國為世撥亂則致升平鳩民而立長棊宮而置吏元

缺四字魏志云元無過罔於前業而始有造於華裔

陛下即位光昭文德以翊武功勤恤民隱視之如傷

懼者寧之勞者休之寒者以煖飢者以充遠人以德

服魏志云 寇敵以缺三字魏志 恩種德光被四表稽

古薦睦茂于放勳罔漏吞舟裕于周文是以布政未

暮人神並和皇天則降甘露而臻四靈缺三字魏志

挺芝缺二字魏志 吐醴泉虎豹鹿菟咸素其色雉鳩燕

爵亦白其羽連理之木同心之瓜五采之魚珍祥瑞

物雜還於其間者無不畢備缺一字魏志 人有言徹缺一

字魏志 吾其魚乎徹大魏則臣等之白骨既交橫于

曠野矣伏省羣臣內外前後章奏所以陳叙五

陛下之符命者莫不條河洛之圖書授天地之瑞應

因漢朝之款誠宣萬方之景附可謂信矣著矣缺

裕矣高矣郡矣缺二字魏志 無以及五帝無以加民命

之懸於魏邦民心之繫於魏政世有餘年矣缺一字魏志

此乃千世時至之會薦載壹遇之秋達節廣缺三字魏志

度宜於缺三字魏志 孿狹缺一字魏志 不施於

此時久稽天命罪在臣等輒營壇場具禮儀擇吉缺一

昭告昊天上帝秩羣神之禮須禋祭畢缺三字魏志

于朝缺一字魏志 議率號正朔服色當所以施

行臣謹拜表朝堂臣歆臣詡臣朗臣仁臣若臣輔臣

忠臣秋臣采臣洪臣真臣休臣尚臣霸臣郤臣晃臣  
 遼臣靈臣京臣貞臣洽臣昱臣曼臣繇臣霸臣林臣  
 照臣楸臣陟臣祖臣凌臣福臣質臣題臣觸臣當臣  
 生臣圃臣神臣衢臣慎臣巽臣俊臣昂臣豐臣楮誠  
 惶誠懼頓首頓首死罪死罪

右公卿將軍上尊號奏篆額在穎昌相傳為鍾繇  
 書其中有大理東武亭侯臣繇者乃其人也曹氏  
 父子睥睨漢祚非一朝夕勢極事就乃欲追大麓  
 之蹤竊箕山之節後世果可欺乎又自比媯汭納

漢二女豐碑至今不磨所以播其惡於無窮也當  
 時內外前後勸進之辭不一此蓋刻其最後一章  
 魏志注中亦載此文有數字不同非史臣筆削之  
 辭也皆當以碑為正碑自造于華裔之後石理皴  
 剝字跡晦昧今世所傳者多是前一段爾

魏受禪表

維黃初元年冬十月辛未

皇帝受禪于漢氏上稽儀極下考前訓書挈所錄帝  
 王遺事義莫顯於禪德美莫盛於受終故書陳納于

大鹿傳稱歷數

字缺二

是以降世且二百年幾三千堯

舜之事復存于今允皇伐之上儀帝者之高致也故

立斯表以昭德

缺義焉

皇帝體乾剛之懿姿紹有虞之黃裔九德既諫欽明

文塞齊光日月材兼三極及嗣位

先皇龍興饗國撫柔烝民化以醇德崇在寬之政邁

愷悌之教宣重光以照下擬陽春以播惠開禁倉散

滯積冢臣

字缺五

之錫衆地陪臺蒙賙餼之養興遺勳

繼絕世廢忘之勞獲金爵之賞襁褓之孤食舊德之

祿善無微而不旌功無

細字缺五

戎士哀矜庶獄罷戍

役焚丹書圉圉虛靜外無曠夫玄澤雲行罔不沾渥

若夫覆載簡易剛柔允宜乾允之德陰陽

字缺六

類育

物奮庸造化之道四時之功也寬容淵嘿恩洽羣物

皇戲之質堯舜之姿也孜孜業業邁德濟民伯禹之

勞

字缺五

睿智神武料敵用兵殷湯之略周發之明也

廣大配天地茂德苞衆聖鴻恩洽於區夏仁聲播於

八荒雖象骨所

字缺六

和而來玉是以休徵屢集和氣

烟煴上降乾祉下發玃玃天關啓闡四靈具臻涌醴

橫流山見黃人所以顯受命之字缺五之期運也其餘

甘露零於豐草豎蠶繭於茂樹嘉禾神芝奇禽靈獸

窮祥極瑞者朞月之間蓋七百餘見自金天以字缺五

嘉祥之降未有若今之盛者也是以漢氏覩歷數之

去已知神器之有歸稽唐禪虞紹天明命釐嬪二女

欽授天位

皇帝謙退讓德不嗣至于再至于三於是羣公卿士

僉曰代書因圖盡精代無觀大之觀雲行因不古

陛下聖德懿侔兩儀皇符照晰受命咸宜且有熊之

興地出大螻夏后承統木榮冬敷殷湯革命白狼銜

鉤周武觀字缺五方之今日未足以喻而猶以一至之

慶寵神當時紹天即衽負依而治况於大魏靈瑞若

茲者乎蓋天命不可以辭字缺五以意距大統不可以

久曠萬國不可以之主宜順民神速承天序於是

皇帝乃回思遷慮房觀庶徵上在璿機蒞之周易卜

以守龜龜蒞龍吉五反靡違乃覽公卿之議順皇天

之命練吉日字缺四唐典之明憲遵大鹿之遺訓遂於

繁昌築靈壇設壇宮時圭璧儲犧牲延公侯卿士常

伯常任納言諸節岳牧邦君席字缺四匈奴南單于東

夷南蠻西戎北狄王侯君長之羣入自旗門咸旅于

位

皇帝乃受天子之籍冠通天龍袞龍穆穆皇皇物有

其容上公萊祝燔燎棫樸告類上帝望秩五岳烟于

六宗徧于羣神字缺三晏祥風來臻乃詔有司大赦天

下改元正始開皇綱闡帝載殊徽幟革器械脩廢官

班瑞節同律量衡更姓改物勒崇垂鴻創缺位則永

保天祿傳之罔極

右魏受禪表篆額在穎昌亦曰鍾繇書所謂表者

蓋表揭其事非表奏之表也碑云黃初元年十月

辛未受禪于漢漢紀作乙卯魏志作十一月庚午

裴松之注所載甚詳蓋是月十三日乙卯漢帝使

張音奉璽綬詔冊禪位于魏魏王辭者三及漢冊

四至乃以二十九日辛未升壇受命碑之所載是

也水經云繁昌城內有三臺人謂之繁昌臺壇前

有二碑其後六字生金論者以為司馬金行故曹

氏六世遷魏而事晉此蓋附會符命之談也碑以挈為

契以烟燭為網緼以烟于六宗為禋于六宗

魏脩孔子廟碑

維黃初元年大魏受命脩軒轅之高繼紹虞氏之遐  
統應歷數以改物揚仁風以作教於是捐五瑞珽宗  
彝鈞衡石同度量秩羣祀於無文順天時以布化既  
乃緝熙聖緒昭顯上世追存二代三恪之禮兼紹宣  
尼衰成之後以魯縣百戶命孔子廿一世孫議郎孔  
羨為宗聖侯以奉孔子之祀  
制詔三公曰昔仲尼姿大聖之才懷帝王之器當衰

周缺二字魏志作之末而無受命之運缺生于魯衛之朝教化

乎汶泗之上栖栖焉皇皇焉欲屈已以存道貶身以

救世當缺三字魏志作時三公終莫能用乃追考五代之禮脩

素王之事因魯史而制春秋就大師而正雅頌俾千

載之後莫不采其文以述化印其聖以成謀咨可謂

命世大聖億載之師表者已遭天下大亂百祀墮壞

舊居之廟毀而不脩衰成之後絕而莫繼闕里不聞

講誦之聲四時不睹烝嘗之位斯豈所謂崇化報功

盛德百世必祀者哉嗟乎朕甚閔焉其以議郎孔羨

為宗聖侯邑百戶奉孔子之祀令魯郡脩起舊廟置  
百石吏卒以守衛之又於其外廣為屋宇以居學者  
於是魯之及老諸生遊士睹廟堂之始復觀俎豆之  
初設嘉聖靈於髡髻想貞祥之來集乃慨然而歎曰  
大道衰廢禮學滅絕世餘年

皇上懷仁聖之懿德兼上儀之化育廣大苞於無方  
缺恩淪於不測故自受命以來天人咸和神氣烟熅  
嘉瑞踵武休徵屢臻殊俗解編髮而慕義遐夷越險  
阻而來賓雖大皓遊龍以君世虞氏儀鳳以臨民伯

禹命玄宮而為夏后西伯由岐社而為周文尚何足  
稱於大魏哉若乃紹繼徽絕興脩廢官疇咨稽古崇  
配乾以允神明之所福祐宇內之所歡欣也豈徒魯  
邦而已哉爾乃感殷人路滯之義嘉先民泮宮之事  
以為高宗僖公蓋嗣世之王諸侯之國耳猶著德於  
名頌騰聲乎千載况今

聖皇肇造區夏創業垂統受命之日曾未下輿而衰  
崇大聖隆化如此能無頌乎乃作頌曰  
煌煌大魏受命溥將并體黃虞舍夏苞商降釐下土

上清三光羣祀咸秩靡事不綱嘉彼玄聖有邈其靈  
 遭世霧亂莫顯其榮衰成既絕滯廟斯傾闕里蕭條  
 靡歆靡馨我皇悼之尋其世武乃建宗聖以紹厥後  
 脩復舊堂豐其薨宇莘莘學徒爰居爰處王教既備  
 羣小遄沮魯道以興永作憲矩洪聲登假神祇來和  
 休徵雜遘瑞我邦家內光區域外被荒遐殊方重譯  
 搏拊揚歌於赫四聖運世應期仲尼既沒文亦在茲  
 彬彬我后越而五之並于億載如山之基

右魯孔子廟之碑篆額嘉祐中郡守張稚圭按圖

經題曰魏陳思王曹植詞梁鵠書魏志黃初二年

正月詔以議郎孔羨為宗聖侯奉孔子祀令魯郡

脩起舊廟置吏卒守衛碑云元年而史作二年誤

也後漢孔僖傳注以羨為崇聖侯亦誤也文帝履

位之初首能尊崇先聖刊寫琬琰知所本矣使其

味素王之言行六經之道則豈止鼎峙之業而已

哉魏隸可珍者四碑此為之冠甚有石經論語筆

法大饗碑蓋不相遠若繁昌兩碑則自是一家亦

有以為鵠書者非也

碑以烟煴為網緼終  
軍傳辨髮作編髮

魏橫海將軍呂君碑

君諱

字缺六

博望人也其先四獄出自炎帝

字缺八

內輔

機衡外司方職是呂

族繁毓

申呂竝興君其胄也

君天姿果毅仍

缺於武武而不害

當值季末漢失其

御羣雄爭逸海內

缺

隔王塗穢塞君呂中勇顯名州

司試守雉長執戈秉戎慎守疆易兵不頓於敵國墜

不侵於四鄰拜武猛都尉厲節中郎將裨將軍封關

內侯王師南征與充軍從奄有江漢舍爵兩勲封陰

德亭侯領罷鳩集荒散為民統紀三考有成轉拜平

狄將軍改封盧亭侯蒞國賦政十有三季正身帥下

儉呂足用食不感膳坐不重席殿無食粟之馬出無

副車之從生不利家死不託孤可謂良大夫也雖叔

敖相楚晏嬰在齊不能尚也行師御衆暑即不蓋寒

即不裘其於戰也即履矢石之所及鋒刃之所先雖

古良將不能踰也會水關羽猖獗為寇蕩搖邊鄙

虔劉民人而洪水播溢汜沒樊城平源十刃外瀆潛

通猛將驍騎載沈載浮於是不逞位慝羣凶鼎沸或

保城而叛或率衆負旌自即敵門中人呂下竝生異

心君威懷之信臨難益著故能桀然攘除姦逆獨存  
 社稷連城十三民無虺蜴帝加其庸轉拜橫海將軍  
 徙封西巽都鄉侯食邑并七百戶將遂冊聲方表  
 掃醜虜於南域建元功于大魏書洪缺於宗彝不弔  
 旻天降茲災咎寢疾一旬大命隕遂季六十有一黃  
 初二季正月缺子薨方帝主閔字察傷悼使謁  
 者弔祠賻贈有加臣吏士庶莫不哀缺於是故郡吏  
 字缺二楊向字缺二追惟惠君攀慕罔極迺共刊石勒銘  
 昭示來裔其辭曰

炎靈降精鬱祐後昆膺期誕授寔生我君栢栢缺毅

抑之呂文缺整軍容入在惠民御敵用威附下呂仁

義刑既著允濟缺勲績功金石下缺

右魏故橫海將軍章陵太守都鄉侯呂君之碑篆

額呂君名字皆刊剝以黃初二年卒關羽傳云建

安二十四年羽攻曹仁於樊秋霖水溢于禁七軍

皆沒群盜遙受印號為之支黨羽威震華夏曹公

議遷許以避之碑云水關羽猖獗為寇洪水播

溢猛將沉沒群凶鼎沸皆實錄也魏隸之佳者惟

鍾梁之碑四若范式碑則又次之此刻差勝賈逵

劉熹爾姑存之碑以中勇為忠勇置易為疆場平原十刃隕隧為隕墜

墜即地字稷即稷字威即貳字丑即播字

范式碑

君諱式字缺功存有夏寔曰御龍缺肱商周世昭

其隆晉主夏盟有士會者先演弘謨翼崇霸業錫邑

命族缺為范氏則其後也君稟靈醇之茂度體玄亮

之殊高微柔懿恭明允篤恕九德靡爽百行淵備弘

道耽藝恢韜墳籍探嘖研機芒深不入若乃立德隆

禮樹節實真志諒足以弼國薦友足以輔仁用能昭

其洪懿聲充宇甸接華蔭於汝墳潤枯斃於荆漢超

管鮑之遐蹤信靈評乎炳煥是以缺化泉流芳缺鴻

奮耀仁闡於權輿濟俗侔乎皇訓羣公偉焉弓旌盈

路再讓考缺三府舉高第侍御史拜冀州刺史糾

剔瑕慝六教允施翰飛肅於鷹揚典荆缺軌缺帝

缺其勲遷廬江大守擬泰和以陶化昭八則以隆治

彌缺弘略惠訓亡倦缺二協缺三齊缺二清源之深

閱寶疏氏之至順以疾告辭韜先潛耀詠琴詩以寧

其猶充洽外内寔紹德之奧藪而儀民之淵表

也未亮三事字缺三終字缺六常山相暨子汜孫而脩嗣

匹繼粵青龍三年正月丙戌縣長汝南薛字缺七感靈

墀之不饗思隆懿模以紹奕世乃與縣之碩儒咨典

謨之中字缺三之胄昭告祖考俾守厥祀本支

著宣融之衽人神協休茂之慶焉禮也於是鄉字缺二

上計掾翟循州部泰山從事史翟邵等僉以為君雖

輝名載藉光颺前列而靈墳亡字缺儀問靡述遂相與

略依舊傳昭撰景行刊銘樹墓以聲百世其辭曰

於昭上德實唐之脩誕表靈和蹈規履信窮神周覽

衽道之訓邁德徽猶鴻漸字缺奮穢彼夸毗寶此醇懿

以文會友以仁翼字缺敷化濟殖羣生以遂永言孝思

民之攸暨如何昊天不信其軌明德不報脩肫亡紀

爰輯訓典詢爾髦士育茲字缺以永遐祉詒厥孫謀

耀于萬祀

右故廬江太守范府君之碑篆額在濟州任城魏

明帝青龍三年縣長薛君鄉人翟循等所立范君

名式字巨卿山陽金鄉人仕漢至廬江太守傳書

張劭陳平子孔嵩三事甚詳至治郡則云有威名而已此碑辭勝而事寡雖曰略依舊傳昭撰景行但云篤友足以輔佐超管鮑之遐蹤爾未足以先颺盛德也傳云為荊州刺史而碑作冀州以新野之事證之則碑誤也此碑雖不及延康黃初四刻在魏隸它碑中可取爾唐李嗣真作書後品乃云蔡公諸體惟范巨卿碑風華艷麗古今冠絕甚矣藻鑿之謬也

噴即贖字  
赫即赫字

張平子碑

附

河間諱衡字平子南陽此縣人也體德純和秉行孝友加以俊才命世英識秀建崔子壬為之下造化高才瑋藝與神合契君子以為衰然聞之風聲至於仕乎史官筭二儀之數研陰陽之理缺二日月致巧渾儀有極深探賾之思數往知來之驗此崔生所以發德音也若夫好學博古貫綜謨藉墳典並索之流經禮訓詁之載百家九流之辯詩賦雅頌之辭金匱玉板之臯讖契圖緯之文音樂書畫之藝方技博奕之巧自泝範繇倫以還于若郊子之所習介盧之所識

者罔不該羅其情原始要終故能學為人英文為辭  
 宗紹義和之顯跡系相如之遐風向若生於春秋之  
 間游乎闕里之堂將同貫宰貢齊衡游夏豈值取足  
 於身中垂名於一涂哉是以先生恒屈於不知已仕  
 居下位再為史官而發應問之論時不容道遂興思  
 玄之賦爰登侍中則黨言允諧出相河間則黎民時  
 雖庸渠限其所至哉若夫巡狩誥頌所以敷陳主德  
 二京南都所以贊美畿輦者與雅頌爭流英英乎其  
 有味與若又造事屬辭因物興缺下筆流藻潛思發

義文無擇辭言必華麗自屬文之士未有如先生之  
 善選言者也南陽相夏侯湛自涉境以經于諸邑每  
 縣咨其故老訪其先賢有北者表其墓經墳者揖其  
 魂涂出魯陽行次西鄂眎狐山而頌缺英歷茲邑而  
 懷夫子暨路過瑩域止駕衢晉覩封樹之蕭條觀高  
 碑之稱美於是慨然永思愴余長懷若死者可起吾  
 其與歸乃延邑宰而問之曰管武王入殷封比干之  
 隴高祖經魏酌信陵之墓此聖賢之所以禮忠旌能  
 甄表明德也有可以優其胄嗣者禮其在是而亵胄

絕紹支庶無聞於是乃翦其墟落寵其宗人使奉其  
四時獻其粢盛遂糾集舊跡攝載新懷而書之碑側  
以闡美抒思焉其頌曰

弈弈張生秉德淑清研深綜理思俊才英實掌天地  
幽贊神明冠曩興美傾漢流聲匪唯天象亦垂人文  
有炳其猶有鑠其新仰鑒遺藉馳心殆人殊在投好  
百載交神奉命南邦行出爾涂缺及隧首輟駕前衢  
徘徊崇碑逍遙故墟企仰罔瞻長懷焉如管在先賢  
唯德佐友古而無死顛言攜手在則茲泯道乃缺二

在珠詠隋于壁稱和戢寶無彫人壽幾何望兼京臺  
思踰埃河

右張平子碑晉南陽相夏侯湛作水經云西鄂縣  
有平子墓墓東有碑文字悉是篆崔瑗之辭也盛  
弘之郭仲產並云夏侯孝若為郡薄其文復刊碑  
陰為銘然碑陰二銘乃崔子玉及陳翕隸字耳墓  
次又有二碑唯見其一以夏景驛途疲而莫究酈  
氏之說如此今世所傳凡百君子者即平子篆碑  
其石已中斷合向城後碑始能成文此刻有夏侯


湛姓名而云書之碑側蓋酈氏考之不詳也魏隸  
 自范式之後隸釋悉棄不取吳之谷明陸禕碑晉  
 之游述鄧乂碑皆體弱格卑已去黃初遠甚視熹  
 平光和年所刻殆天冠地履之不侔也此碑在同  
 時字畫中僅有可觀因贅之篇尾亦以見一代佐  
 書其工者止此爾


碑以值為直  
 謹言以蕭蓀為



為

隸釋卷第十九





隸釋卷第十九

湛姓名而云書之碑側蓋厥氏考之不詳也魏隸  
自范式之後隸釋悉不取吳之谷明陸楹碑晉  
之旂述鄧又碑皆體弱格卑已去黃初遠甚視熹  
平光初年所刻殆天冠之屬之不侔也此碑在同  
時字畫中僅有可觀因贊之篇  
書其工者止此爾



